



Qeqqata Kommunia  
Makkorsip Aqq. 2  
Postboks 1014  
3911 Sisimiut

Allakkat ulluat: 11-06-2020  
Suliap normua: 2017-26152  
Akt-id: 8024597

Postboks 1614  
3900 Nuuk  
Oqarasuaat: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

# Kangerlussuarmiit Kangerluarsuk Tullermut aqqusinermut ASN-mut akuersissuteqarneq







# Imai

1	<b>Kangerlussuarmiit – Kangerluarsuk Tullermut aqqusinermut ASN-mut</b>	
	akuersissuteqarneq	4
1.1	<b>Aallaqqaasiut</b>	4
1.2	<b>Suliassamut siunertaasoq aammalu tunngaviusoq</b>	4
1.3	<b>Inatsisit tunngaviusut</b>	5
1.4	<b>Akuersissutit aamma akuersissuteqarnerit allat</b>	6
1.5	<b>Inatsisit attuumassuteqartut allat</b>	7
1.6	<b>Pilersaarutit tunngaviusut</b>	7
1.7	<b>Akuersissuteqarnermut killissaliussat</b>	10
2	<b>Suliassamut aammalu periarfissanut allanut nassuaatit</b>	11
2.1	<b>Suliassamut nassuaat</b>	11
2.2	<b>Periarfissat allat</b>	16
3	<b>Suliniummi pisariaqartut</b>	17
3.1	<b>Suliassamut piffissamut pilersaarut pingaardeq</b>	19
4	<b>Akuersissuteqarneq atugassarititaasuni piumasaqaatitaqartoq</b>	21
4.1	<b>Sanaartornermut atugassarititaasut</b>	21
4.2	<b>Ingerlatsinermut atugassarititaasut</b>	28
4.3	<b>Matusinissamut atugassarititaasut</b>	31
5	<b>Atugassarititaasutut aalajangersarneqartunut tunngaviusoq aammalu tunngavilersuuitit</b>	32
6	<b>Allaffissornikkut aalajangersakkat</b>	35
6.1	<b>Akuersissuteqarnerup atorunnaarnera</b>	35
6.2	<b>Akuersissuteqarnerup misissorneqarnera</b>	35
6.3	<b>Peqqusissuteqarnerit</b>	35
6.4	<b>Avatangiisinut nakkutilliineq</b>	36
6.5	<b>Akuersissuteqarnerit ilannguttussat</b>	36
7	<b>Tamanut saqqummiussineq aamma naammagittaalliornissamut ilitsersuineq</b>	37



# 1    **Kangerlussuarmiit – Kangerluarsuk Tullermut aqqusinermut ASN-mut akuersissuteqarneq**

## 1.1    **Aallaqqaasiut**

Matumuuna Qeqqata Kommunia Kangerlussuarmiit Kangerluarsuk Tullermut 130 km-imik aqqusiniliornissamut, 2019-imi decembarimi qinnuteqaatigineqartutut, akuersissummik tunineqarpoq. ASN-mut qinnuteqaammi paasissutissat tunngavigalugit aammalu akuersissuteqarnermi matumani immikkoortoq 4-imi atugassarititaasut allassimasut atuutsillugit, akuersissut tunniunneqarpoq.

ASN-mut akuersissuteqarneq *atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaanni nr. 5, 27. marts 2013-meersumi* (ASN-mut nalunaarut) § 19 naapertorlugu nalunaarutigineqarpoq.

Paasissutissiinerit, naatsorsuinerit, annertussutsit nalilersuinerillu ASN-mut nassuiaammi tamanut saqqummersinneqartumi allassimasut aammalu tamatumunnga tusarniaanermut akissuteqaatit tiguneqartut tunngavigalugit akuersissuteqartoqarpoq.

## 1.2    **Suliassamut siunertaasoq aammalu tunngaviusoq**

ASN-mut akuersissuteqarneq manna Kangerlussuarmiit Kangerluarsuk Tullermut aqqusinermut atuuppoq. Taamaattoq Kangerluarsuk Tullermiit Sisimiunut aqquserngup ingerlaqqitsinnissaa sulissutigineqarpoq. Aqqusernup ilaata kingulliup sananeqarnissaanut misissuinerit nalilersuinerillu arlallit, Sisimiut eqqaanni imeqarfimmut killeqarfiup ikaernerani aarlerinaataasunik paasinarsisitsisussat, suliarineqarnissaat pisariaqarpoq. Taamaattumik aallaqqaammut Kangerlussuarmiit Kangerluarsuk Tullermut aqqusinniornissaq aallartinneqassaaq. Sisimiut aamma Kangerluarsuk Tulliup akornanni aqqusinniornermi avatangiisinut sunniutaasussanik nalilersuineq ASN-mut nassuiaammi immikkoortumi suliarineqassaaq. Immikkoortuni marlunni tamarmik immikkut ASN-mut nassuaateqarfiusuni aqqusinissap tamarmiusup aggulunneqarnissaajornanngilaq, pissutigalugu Kangerluarsuk Tullermiit umiatsiamik Sisimiuliartoqarsinnaammat. Tamatuma kingunerisaanik Kangerlussuarmiit Kangerluarsuk Tullermut aqqusineq kisimiitinneqarsinnaavoq aammalu Sisimiunut aqqusernup ingerlaarteqqinnissaa toqqaannartumik apeqqutaanani.

Qeqqata Kommunia aamma Aasivissuarniit Nipisanut UNESCO-mi nunarsuarmi kingornussassaqarfimmi tukimut aqqusinniornissamik pilersaaruteqarpoq, takuuk Qeqqata Kommunianut 2012-24-mut Kommunip pilersaarutaanut tapiliussaq nr. 58 (takuuk Ilusiliaq 1). Suliassaq taanna ASN-mik nalunaaruteqarfigineqartariaqarmat, Suliffeqarnermut, Ilisimatusarnermut



Avatangiisinullu Naalakkersuisoqarfip eqqumaffigeqqussavaa, takuuk ASN-mut nalunaarut.

Tamatuma saniatigut aqqusinermut atasunik illuaqqanik akunnittarfinnillu sananissaq Qeqqata Kommunianut 2012-24-mut Kommunip pilersaarutaanut tapiliussami nr. 58-imni ajornarunnaarsinneqarpoq (takuuk Ilusiliaq 1). Suliassaq taanna ASN-mik nalunaaruteqarfigineqartariaqarmat, Suliffeqarnermut, Ilisimatusarnermut Avatangiisinullu Naalakkersuisoqarfip eqqumaffigeqqussavaa, takuuk ASN-mut nalunaarut.

Suliassami siunertaavoq aningaasaqarnikkut ineriertortitsinissamut periarfissaqalersitsinissaq, ilanngullugit takornariartsisarnermi ingerlatassat nutaat, kiisalu Sisimiut aamma Kangerlussuup akornanni nunarujussuarmut innuttaasut ornigussinnaanissamut periarfissaqalersinneqarnissaat. Tamatuma saniatigut aqqusineqalerpat Sisimiut aamma Kangerlussuup akornanni inunnik aammalu usinik assartuussinermi timmisartumik assartuussisarneq kisimi isumalluutaajunnaassaaq.

Takornariat amerlanerusut sivisunerusumik sumiiffimmittalernerannik aqqusinniorneq malitseqassasoq naatsorsuutigineqarpoq, tassani ilaatigut UNESCO-mi nunarsuarmi kingornussassaqarfik *Aasivissuit – Nipisat, Inuit immap sermillu akornanni aallaaniartarfiat* takusarsinnaallugu. Sumiiffiup takornarianut takusartissinnaanissaanut aqqusineqarnissaa pisariaqarpoq.

### 1.3 Inatsisit tunngaviusut

ASN-mut akuersissuteqarnermut inatsisitigut tunngavissaq tassaavoq *atortut ilaasa avatangiisinut sunniutaannik nalilersuineq pillugu Namminersorlutik Oqartussat nalunaarutaat nr. 5, 27. marts 2013-meersoq* (ASN-mut nalunaarut). Aqqusinniassaq ASN-mut nalunaarummut ilanngussaaq 2-imni, immikkoortoq 1d)-mi allassimavoq: 2000 meterit sinnerlugit ataatsimut katillugu isorartussuseqarluni nunaannakkoortinneqartussatut eqqarsaatigineqartumik aqqusinniorneq. Kangerlussuup aamma Kangerluarsuk Tulliup akornanni aqqusinniassamut ASN-mut nassuaat suliarineqassasoq, Suliffeqarnermut, Ilisimatusarnermut Avatangiisinullu Naalakkersuisuata, aamma avatangiisinut suliassaqarfimmut politikkikkut akisussaasuuusup aalajangerpaa.

ASN-mut nassuaat suliassami avatangiisinut sunniutaasussanik annertuunik tulleriissaartumik periaaseqarluni allaaserinninnermik imaqassaaq. ASN-mut nassuaat suliassamut nassuaat (Terms of Reference) akuerineqareersoq tunngavigalugu suliarineqassaaq. ASN-mut nassuaammut siunertaavoq, suliassamut akuersissuteqartoqarsinnaanersoq, ilanngullugit atugassarititaasut suut akuersissuteqarnermi tunngavigineqassanersut, Naalakkersuisut tamakkiisumik paassisutissiiviusumik tunngavilimmik aalajangiisinnanissaat.

ASN-mut nassuaat ulloq 15. januar 2020-miit ulloq 11. marts 2020-mut sapaatit akunnerini 8-ini tamanut ammasumik tusarniaassutigineqarpoq, taamaalillutik tamat ASN-mut nassuaammut oqaaseqaatiminik saqqummiinissamut



periarfissaqarsimallutik. Tusarniaanermut atatillugu Sisimiuni aamma Kangerlussuarmi ulloq 18. aammalu ulloq 20. februar 2020 innuttaasunik ataatsimiitsisoqarpooq.

Tusarniaanermut atatillugu tusarniaanermut akissuteqaatit arfineq pingasut tiguneqarput. Tusarniaanermut nalunaarusiaq (tusarniaanermut allakkiaq) suliarineqarpoq. Tusarniaanermut akissuteqaatit ASN-mut nassuaammi allangngortitsinissamik pissutissaqalersitsinngillat.

#### **1.4 Akuersissutit aamma akuersissuteqarnerit allat**

ASN-mut akuersissuteqarneq manna akuersissuteqarnertut ataatsimoortutut ataatsisut atussaaq, tassani avatangiisinut akuersissutit aamma akuersissuteqarnerit arlallit ilanngunneqarlutik. Taamaattumik ASN-mut akuersissuteqarneq inatsisit matuma kinguliani nassuiardeqartut iluanni aqqusinniorNSSamut akuersissutaassaaq ataatsimoortoq:

*1.4.1 Pinngortitamut sunniutaasussanik nalilersuinermut akuersissuteqarneq ASN-mut nassuaammi pinngortitamik illersuineq pillugu Inatsisartut inatsisaat nr. 29, 18. december 2003-meersumi (Pinngortitamik illersuinermut inatsit) kapitali 14 naapertorlugu pinngortitamut sunniutaasussanik nalilersuineq ilanngunneqarpoq.*

*1.4.2 Eqqagassalerinermut eqqagassanillu eqqaasarnermut malittarisassat, ilanngullugit illuliornermut sanaartornermullu atortut*

Eqqagassanik aamma nunamik mingutsinneqarsimasumik passussineq aamma eqqaasarneq pillugit suliassap matuma sanaartornermut ingerlatsinermullu immikkoortuini *igitassanik eqqaasarneq pillugu Namminersornerullutik Oqartussat nalunaarutaanni nr. 28, 17. september 1993-imeersumi* (Eqqagassalerinermut nalunaarut) aamma *Uuliakunit akuutissanillu eqqagassat pillugit Namminersornerullutik Oqartussat nalunaarutaanni nr. 29, 17. september 1993-imeersumi* (Uulianut akuutissanullu nalunaarut) maleruagassiiivigineqarput. Taamaattumik sanaartornermut ingerlatsinermullu immikkoortumi eqqagassanik sunilluunniit (ilanngullugit sanaartornermit eqqagassanik eqqaaneq) kiisalu nunami mingutsinneqarsimasunik passussineq eqqaanerlu tamarmi Qeqqata Kommuniani inuussutissarsiortut eqqagassaannut maleruagassat sukkulluunniit atuuttut naapertorlugit pissaaq, takukkit Eqqagassalerinermut nalunaarummi aamma Uulianut akuutissanullu nalunaarummi §§ 4 aamma 6. Taamaattumik ASN-mut akuersissuteqarneq manna malillugu eqqagassanik aamma nunami mingutsinneqarsimasunik passussineq eqqaanerlu pillugit atugassaritaasunut piumasaqaatit inatsisini matuma siuliani allassimasuni kiisalu kommunimi maleruagassiani allassimasut aallaavagineqassapput.



### 1.4.3 *Akuersissutit aamma akuersissuteqarnerit annertunerusut*

ASN-mut akuersissuteqarnermi matumani, taassuma ataani akuersissuttaqartumi ASN-mut nalunaarummi § 27 naapertorlugu sanatitsisoq akuersissutinik aamma akuersissuteqarnernik allanik tamaginnik piniarnissamut pisussaafferutsinneqanngilaq.

## 1.5 Inatsisit attuumassuteqartut allat

Aqqusineq UNESCO-mi nunarsuarmi kingornussassaqarfik Aasivissuit – Nipisat, *sumiiffimi Kalaallit Nunaata kitaani Aasivissuit - Nipisallu eqqaanni kulturikkut eriagisassat allat pillugit Namminersorlutik Oqartussat nalunaarutaat nr. 1, ulloq 30. januar 2018-imeerumi pineqartunut* ilaatinneqartoq aqqlusaarlugu ingerlaarfingeqartussaavoq. Nunarsuarmi kingornussassaqarfip iluani ingerlatassat, ilanngullugu aqqusinniassaq aammalu pigisat tigussaasut tamatuma malitsigisai, nalunaarummi matuma siuliani taaneqartumi maleruagassiivigineqarput, ilanngullugu sumiiffimmut ingerlatsinissamut pilersaarut.

## 1.6 Pilersaarutit tunngaviusut

### 1.6.1 *Kommunimut pilersaarut*

Kommunimut pilersaarut, kommunimi sumiiffiini ineriertortitsinerup maleruagassiiviginiissaanik siunertaqartoq, Qeqqata Kommunianut kommunalbestyrelsip ulloq 25.10.2012 akueraa aammalu ulloq 20.12.2012 tamanut saqqummiullugu.

Qulequtanut attaveqaqatigiinnermut tunngasunut ataqatigiinnerinullu tunngatillugu ilaatigut kommunimut pilersaarummi nassuiardeqarpoq:

”Kangerlussuup mittarfeqarfiata aningasaqarnermi pingaarnerpaaajusutut Qeqqata Kommunianit isigineqarpoq, Sisimiut peqatigalugu takornariaqarnermut ineriertortitsiuarnissamut periarfissaqarluarnera naliliiffingeqarluni [...]. Kangerlussuarmiit Kangerluarsuk Tullermut nutaamik aqqusinniornermi kommunip takornariartitsinermut suliassaqarfimmi ineriertortitsinissamik suli kissaateqarnera tunngavissinneqassaaq, aammalu suliassaq taamaalluni kommunimut pilersaarummi kissaatigineqartunut naapertuuppoq.”

### 1.6.2 *Kommunimut pilersaarummut tapiliussat*

**Qeqqata Kommunianut 2012-24-imut Kommunimut pilersaarummut tapiliussaq nr. 22 Sisimiut aamma Kangerlussuup akornanni pinngortitami aqqusineq**

Kommunimut pilersaarummut tapiliussaq naapertorlugu siunertaavoq:




- Pilersaarummi pingaarnertut siunertaavoq, Sisimiut Kangerlussuullu eqqaani sermersuup kitaatalu akornanni sikuneq ajortut annertuut tikikkuminarsarnissaanut periarfissanik pilersitsinissaq.
- Neqnik aalisakkanillu qerisuunngitsunik Kangerlussuarmut assartuisoqarsinnaalernissaanut periarfissanik pilersitsisoqassaaq, tassani europami niuertarfinnut aammalu amerikami niuertarfinnut timmisartoq atorlugu appakaaffissaqarluni.
- Nunaminertat takornarissanut sammisassaqtitsivittut aammalu nunaqavissut takornarissallu UNESCO-p nunarsuarmioqatigiinnut kingornussassaritaa – Aasivissuit – Nipisat tikeraarsinnaaneranut periarfissaqalissapput.

Suliassaq kommunimut pilersaarummut tapiliussami nr. 22-mi pilersaarummi tunngavissanut naapertuuppoq, tassani aqqusernup ilaata kommunimut pilersaarummut tapiliussami ilaatinneqartup sananeqarnissaa ilaatinneqarmat.

**Qeqqata Kommunianut 2012-24-mut Kommunip pilersaarutaanut tapiliussaq nr. 58 Sisimiut aamma Kangerlussuup akornanni aqqusineq sinerlugu unnuisarfissat illuaraqarfissallu**

Kommunimut pilersaarummut tapiliussami aqqusineq sinerlugu arlalinnik ingerlataqarnernik piviusunngortitsinissamut periarfissiisoqarpoq, taakkualu tulliuttuni nassuiardeqarput.

Kommunimut pilersaarummut tapiliussami sumiiffiit marluk tamarmik immikkut 2.000 m<sup>2</sup> tikillugit unnuisarfinnik /illuaraqarfinnik pingasunik pilersitsiviusussatut atugassiissutigineqarput. Unnuisarfik taamatut angissuseqartoq ininik marluutarissanik 50-inik initaqarsinnaassaaq. Tamatuma saniatigut sumiiffiit tallimat annerpaamik pingasunik illuarartalinnik illuaraliorfiusussatut atugassiissutigineqassapput, tamarmik immikkut 15 m<sup>2</sup>-isut angissusilimmik queqassallutik, katillugit 45 m<sup>2</sup>-inik angissuseqartussat, illuaraqarfifit tamarmik immikkut ataatsimut katillugu 360 m<sup>2</sup>-isut angissuseqassallutik. Illiortiternissamut periarfissaqarfiusoq katillugu 8.025 m<sup>2</sup>-inik annertussuseqarpoq. Illuaqqat takornariartitsinermi ingerlatassanut atatillugu attartortitsinermut atorneqartussaanerat naatsorsuutigineqarmat, illuaraq ataaseq agguaqatigiissillugu 120 m<sup>2</sup>-inik angissuseqassasoq aammalu marluutarissanik pingasunik initaqassasut, naliliisoqarpoq. Sumiiffiit atugassiissutigineqartut inissisimaffissaat Ilusiliaq 1-imí takuneqarsinnaavoq.



*Ilusiliaq 1 Sumiiffit unnuisarfinnut illuaqqanullu kommunimut pilersaarummut tapiliussami nr. 58-imni atugassiissutigineqartut. Ammalortut aappaluttut mikisut illuaraqarfissanut nalunaaqutsiussaapput, aammalu ammalortut aappaluttut angisuit unnuisarfissat sumiiffiinut nalunaaqutsiussaallutik. Ammalortoq qorsuk Kangerlussuup Umiarsualiviata pioreersup eqqaani akunnittarfimmut Mt. Evans-imut nalunaaqutsiussaapput. Aappaluttumik kigartorsimasumi UNESCO-mi nunarsuarmi kingornussassaqarfimmut atugassiissutigineqartoq takutinneqarpoq, aammalu titarnermi kittorartaartumi Kangerlussuup aamma Kangerluarsuk Tulliup akornanni aqqusineq takutinneqarluni. UNESCO-mi nunarsuarmi kingornussassaqarfimmi K61-imni Aasivissuit aamma Nipisat akornanni tukimut aqqusineq titarnertut aappaluttutut kipisaqattaartutut takutinneqarpoq.*

#### 1.6.3 Illoqarfinnut nunaqarfinnullu pilersaarutit

Iilloqarfinnut nunaqarfinnullu pilersaarutiniippuit illoqarfinni nunaqarfinnilu ataasiakkaani inuiaqatigiit aaqqissugaanerannut pingaarnermut nassuiaatit, innuttaasut aammalu suliffissaqartitsiniarnermut tunngasut sammineqarlutik, ilangngullugit ineriaartortitsineq illoqarfinnut imaluunniit nunaqarfinnut ataasiakkaanut kommunimi pilersaarummi aallunneqartoq. Sumiiffik aqqusinertaassap sananeqarfissaatut pilersaarutigineqartoq pingaartumik O2-mi atugassiissutigineqarpoq inuilaarsuarmiilluni aammalu sumiiffinni immikkut sukisaarsaarnermut pingaarteqartuniilluni, kisianni aqqusernup ilai naatsut Qeqqata Kommuniani illoqarfiup iluaniillutik, Illoqarfinnut nunaqarfinnullu pilersaarut 820-D1 naapertorlugu makkuninnga siunertaqartut:

- Sumiiffit sanaartorfiusussaanngitsut aammalu sunngiffimmi sanaartukkat annertunerusut.



- Sumiiffik aqqusinertigut angalaarnermut aammalu sukisaarsaarnermik siunertaqartut eqqarsaatigalugit uninngaarfagalugit taamaallaat atorneqaqqusaasut. Inatsisit malillugit illuliorfiusimasut pioreersut imaluunniit nunaminertanik atuineq maannamut pisartutut ingerlaannarsinnaasoq.

Suliassaq pilersaarummut tunngaviusunut naapertuuttoq naliliisoqarpoq, tassami aalajangersimasumik najugaqartut aamma takornariat sumiiffimmukarsinnaanerat pitsangorsarneqartussaammat.

### **1.7 Akuersissuteqarnermut killissaliussat**

ASN-mut akuersissuteqarnermi ilaatinneqarpoq ATV-nut nutaamik aqqusiornissaq, tamatumalu kingorna Kangerlussuup aamma Kangerluarsuk Tulliuup akornanni aqqusernup ujaraaqqanik qalligaasup nutarterneqarnissaa. Akuersissuteqarnermi aamma ilaatinneqarput sumiiffinni tarajulimmik taseqartuni aqqusinermi sanaartukkat pinngortitamik illersuinermut inatsimmi § 25 naapertorlugu illersugaasut.

ASN-mut akuersissuteqarnermut aallaavigineqarput ASN-mut nassuaammi suliassamat nassuaat aammalu paassisutissiinerit, naatsorsukkat, annertussutsit nalilersuinerillu, ASN-mut nassuaammi nassuiarneqartut. Suliassaq annertuumik annertusitinneqassappat imaluunniit annertuumik allanngortinneqassappat, – ASN-mut nassuaammi allassimanngitsunik aammalu nalilersorneqarsimannngitsunik – Suliffeqarnermut, Ilisimatusarnermut Avatangiisinullu Naalakkersuisoqarfik tamatumunnga akuersissuteqarnissamut sanatitsisumut qinnuteqassaaq. Suliffeqarnermut, Ilisimatusarnermut Avatangiisinullu Naalakkersuisoq (ASN-mut nalunaarummi § 19 naapertorlugu) allaganngorlugu tamatumunnga akuersissuteqarluni nalunaaruteqareersimatinnagu, sanaartornermi ingerlatat suliniutinut annertunerusunut imaluunniit suliassaaqqaartumi allannguutinut atasut aallarteqquasaanngillat.




## **2 Suliassamut aammalu periarfissanut allanut nassuiaatit**

Suliassamut nassuiaammut aammalu sanaartornermut ingerlatsinermullu immikkoortumi avatangiisinut sunniutaasussanut annertunerpaaanut nassuiaammut tulliuttumut ASN-mut nassuiaammi suliassamut nassuiaat aamma avatangiisinut nalilersuinerit aallaavagineqarput. Taakkua ASN-mut akuersissuteqarnermut atugassarititaasunut tunngaviupput.

### **2.1 Suliassamut nassuiaat**

Suliassami pineqarpoq Kangerlussuup aamma Kangerluarsuk Tulliup akornanni aqqusinniornissaq (Ilusiliaq 2). Aqqusineq Kangerlussuarmiit aqqusinissamit nutaamiit umiarsualivimmuit nutaamat Kangerlussuarmi umiarsualiviup pioereersup kujammut kitaani sananeqartussamut ingerlasussaavoq. Aqqusinermiit umiarsualivimmuit sangoriarnera Hundesø aamma Limnæasø akornanni sumiiffimmi tatsit tarajornitsumik imeqartut qeqqani pissaaq.



*Ilusiliaq 2 Aqqusineq nutaaq Kangerlussuarmi umiarsualivimmuit nutaamut aqqusinermiit Kangerluarsuk Tullermut aqquaassaaq.*

Aqqusineq aallaqqaammut ATV-nut aqqtissatut sananeqassaaq, tamatumalu kingorna 2 x 3 meterinik atitutigisumut aammalu illuatungai tamarmik ½ meterimik sinaakkutaqartillugu ujaraaqqanik qalligaalluni aqqusininnortinneqassaaq. Taamaattoq aqqtip ilaanni annertuumik quummukajaqaartuni aammalu annertuumik nungullarsarfissaqartuni aallaqaataanit asfaltimik qalliusersuisoqassaaq, ilaatigut aqqusernup pisuni tamaginni atorneqarsinnaanissaa, ilaatigullu assersuutigalugu kinnernik kuuaartunik avatangiisit sunnerneqarnissaasa annikillisinnejarnissaas qulakkeerniarlugu.

Aqqusineq pinngortitami sapinngisamik annikinnerpaamik innarliisussanngorlugu sananeqassaaq, kisianni aqqtissap ilai nunataa uingasorujussuuppat imaluunniit imeqarpallaarp, qaarsunik qaartiterinissaq imaluunniit aqqusinermi karsiliilluni sananissaa pisariaqarsinnaavoq. Nunataa uingasorujussuutilugu, tamannalu Kangerluarsuk Tullermut ammukarnermi pisussaavoq, aqqtissaq sangutipiloortarlugu sananeqassaaq.

Aqqusineq sinerlugu uninngaartarfiiit oqquiffissaqartut aammalu perusuersarfittaqartut aammalu eqqakkanik katersuvittaqartut qulit angullugit pilersinneqassapput. Tamatuma saniatigut aqqusineq sinerlugu 350 m<sup>2</sup> tikillugit angissusilinnik aammalu 8 m angullugu portussutilinnik aqqusinermik aserfallatsaaliuinissamut aammalu aputajaanissamut maskiinanut sullissinermut illutassanik pingasunik sanasoqassaaq. Sullissinermut illutassat biilink eqqussivittalerlugin kiisalu sullissinermi sulisorisanut inissiartalerlugin aaqqissuunneqassapput.



Egalugaarniarfimmi ikaartarfiliisoqassaaq. Ikaartarfik 5 meterinik annertussuseqassaaq aammalu betonnginik plade-lersorlugu ikaartarfittut immikkoortunit aggulugaasutut ilusilersorneqarsinnaalluni sinai quassuttuulersorlugit imaluunniit nakkarnaveeqqusersorlugit. Taamaanngippat ikaartarfik sisammik ikaartarfiliatut ikkussoriaannartut sananeqarsinnaavoq.

Suliassap ingerlanneqarnissaanut atortussat pisariaqartut pingaartumik aqqusernup siaarfissaani aammalu aqqusernup eqqaani 30 m tikillugit atitussusilimi piliarneqassapput. Taamaattoq aqqusernup qanitaani atortussanik aamma piaanissap pisariaqarsinnaanera mattunneqarsinnaanngilaq.

Aqqusineq sinerlugu sumiiffinnik annikinnerusunik, ukiut ingerlaneranni aqqusinermik iluarsaanissamut atortussanik piaaffigineqarsinnaasunik, pilersitsisoqassaaq.

Kangerluarsuk Tullermi puttasuliisoqassaaq, tassani umiarsuit talissinnaassallutik aammalu ilaasunik immaqalu ATV-nik nunamiit ikaartitsisinnaassallutik imaluunniit nunamut ikaassisinnaassallutik. Puttasut taamaallaat umiarsuarnit sikusiutaangitsunit taliffigineqartassapput. Taamaattumik piffissani kangerluup angallavigineqarsinnaanngiffiini nunamut qaquinneqartartussanik imaluunniit Sisimiunukaanneqartartussanik puttasuliinissaq toqcarneqarpoq.

### 2.1.1 Sanaartornermut immikkoortoq

#### ATV-t aqqutissaat

ATV-t aqqutissaannik sananermi aqqutissami maniilatorujussuarni uingasorujussuarnilu piaasoqassaaq. Aqqutissaq nunami nalunaaqutserneqassaaq, tassani qaarsup ujaraannik sukanillu suliaqartoqassanani. Aqqutissami ataatsimik ikaartarfiliisoqassaaq. Kilometerit missai tamaasa illuarfissaliisoqartassaaq. ATV-nik allanillu qamutinik motoorilinnik uninngatitsinissamut illutassaqarniarluni ATV-t aqquaannut atatillugu Kangerluarsuk Tullermi puttasut eqqaani sullissinermut illutassanik sanasoqassasoq ilimanarpoq.

#### Aqqusineq ujaraaqqanik qalligaq

Aqqusineq pingaartumik nunami aalaakkaasumiitinneqassaaq, kisianni pisariaqartillugu aqqusinermi karsiliisoqartassalluni. Aqqutissani uingasuni qaartiterinerit ingerlanneqassapput. Aqqutissami aqqusinermik aserfallatsaaliuinissamut aputaajaanissamullu maskiinanik uninngasuuteqarnissamut sullissinermut illutassat pingasut tikillugit sananeqassapput. Tamatuma saniatigut uninngaartarfiit perusuersartarfittaqtut aammalu eqqagassanik katersuveqartut qulit tikillugit sananeqassapput.

Aqqusernup allilerneqarnissaanut atatillugu sulisut tammaarsimaarfiinik pilersitsisoqartassanngitsoq, ASN-mut nassuiaammi paasissutissiissutigineqarpoq. Sullivissaq sulinerup siumut ingerlanera ilutigalugu nuunneqartassaaq, aammalu sanasut inaat sulinermi



malinnaatinneqartoq atorneqassaaq. Sanaartornermik suliaqarnermit immikkoorerit tankini katersorneqassapput aammalu Kangerlussuarmut assartorneqartassallutik.

### *Sanaartornerup immikkoortuani avatangiisinut sunniinerit*

Matuma kinguliani aqqusinniassap sanaartornermut immikkoortuani avatangiisinut sunniinerit annertunersaat nassuiardeqarput.

#### Nerlerit

Sanaartornermik suliaqarneq sulliviup eqqaani uumasunut nipilornermik akornusersuinermillu malitseqartussaavoq. Tamanna Nerlernut, piffissami upernaap ingerlanerani aammalu juunip naalernerani piaqqamik timmeriaannanngornissaasa tungaanut Eqalugaarniarfiup avannaanut tikinnerminniit akornusersuinernut sunnertiasorujussuarnut, annertuumik sunniuteqarnerlussinnaavoq. Pitsaliuilluni iliuusissatut Eqalugaarniarfiup avannaani sumiiffimmi (takuuk Ilusiliaq 3-mi ammalortooq aappaluttoq) sanaartornermik suliaqarneq aatsaat ullup juulip aallaqqaataata kingorna sularineqassaaq.

#### Narsaamanerit tarajullit aamma tatsit tarajornitsumik imeqartut

Aqqusineq 350 m missaannik isorartussusilimmi Limnæasø aamma Hundesø akornanni narsaamanerup tarajullip qutsisortaani sananeqassaaq. Narsaamanerit tarajullit naasut qaqtigoortut arlallit naasarfigaat. Aqqusinniornerup malitsigisaanik narsaamanerup tarajullit ataatsimut katillugu nunaminertaata 0,3%-ia tammartussaavoq aammalu naasunut qaqtigoortunut akunnattumik sunniuteqarluni malitseqartussaalluni.

Maskiinat oqimaatsut atorlugit sanaartornermik suliaqarnerup malitsigisaanik sumiiffimmi imeqarneranut aammalu tatsinut kuuttoqarneranut sunniisinnaanera aarlerinaateqarpoq. Tamatuma saniatigut akuutissanik avatangiisiittanngitsunik (ass. uulia) kuutsitsisoqarsinnaanera aarlerinaateqarpoq, aammalu akuutissat taakkua piffissap ingerlanerani tatsini tarajornitsumik imeqartuniilersinnaallutik. Tamanna aammattaaq tatsit sunnernerlunneqarnerannik malitseqartussaavoq.

#### 2.1.2 Ingerlatsinerup immikkoortua

##### ATV-t aqqutissaat

Ingerlaarnermi aqqutissaq sananeqareerpat ATV-nik, qamuteralannik, qimussimik, nunakkoortatinik sisamanik assakaasulinnik aammalu Unimog-bussinik Kangerlussuup aamma Kangerluarsuk Tulliup akornanni ingerlaartoqartalertussaavoq. Angallanneq killeqartorujussuusussaavoq aammalu angallannerpaaffiusumi ulloq unnuarlu 15 ATV-it amerlanerpaagunik 15-iusassasut naatsorsuutigineqarpoq. ATV-t aqqutissaannik sanasoqareernermi pinngortitaq eqqaanniittooq sukisaarsarluni ingerlatassanut atorneqarnerulissasoq ilimanarpooq. Kangerlussuup aamma Kangerluarsuk Tulliup akornanni ATV-t aqqutaat sananeqartoq annikitsuinnarmik aserfallatsaaliortariaqartussaavoq.



### Aqqusineq ujaraaqqanik qalligaq

Aqqusineq ujaraaqqanik qalligaq sananeqareerpat, Kangerlussuup aamma Kangerluarsuk Tulliup akornanni aqqusineq 2030-imi ukiumut qamutinit motoorilinnit 1.610 angullugit amerlassusilinnit atorneqartassasoq naatsorsuutigineqarpoq. Qamutit ATV-t aqqutissaasa ataanni taaneqartut saniatigut aqqusinermi ujaraaqqanik qalligaasumi biilit nalinginnaasut, lastbiilit aammalu bussit atorlugit ingerlaarnissamut periarfissaq ammaanneqartussaavoq. Ilimageqarpat aqqusineq pingaartumik ukiumut qaammatini 8-ini atorneqartassasoq (umiarsuit atorneqartut angallavigisinnaanissaanut Kangerluarsuk Tulleq sikuersimasussaavoq), agguaqatigiissillugu ulloq unnuarlu aqqusinermi biilit 7-it ingerlaartassapput

Aqqutissaq Sisimiunut apuutsillugu annertusitinneqassappat, naatsorsuutigineqarpoq 2030-imi ukiumut aqqusineq biilinit 6.295-init atorneqartassasoq. Ilmagigaanni aqqusineq ukiumut qaammatini 8-ini pingaartumik aqqutigineqarsinnaasassasoq, tamatuma malitsigisaanik ulloq unnuarlu agguaqatigiissillugu biilit 26-iussapput. Angallanneq aasaanerani "piffissap aallartinnerani naalerneranilu" pisartunit annertunerussasoq naatsorsuutigineqarmat, ajornerpaamik pisoqarpat ulloq unnuarlu biilit 35-iussasut aammalu ATV-it 15-iussasut naliliisoqarpoq. Angallanneq taanna nalunaaquttap akunnerisa 14-it ingerlanerannut agguarneqarpat, ajornerpaamik pisoqarpat 2030-imi nalunaaquttap akunneranut agguaqatigiissillugu biilit pingasut ingerlaartassapput. Pinngortitami eqqaaniittumi ATV-t aqqutaata ujaraaqqanik qallikkamik aqqusininnorlugu annertusitinneqareernerata kingorna sukisaarsaarluni ingerlatanit annertunerusumik sunniinerit nalaanneqartassapput.

Akunnitarfiit aamma illuaqqat, kommunimut pilersaarummut tapiliussaq nr. 58-imut siunnersuummi ajornarunnaarsinneqartussat, tamakkiisumik piorsarneqassappata, ulloq unnuarlu biilit 18-it tikillugit amerlillutik angallattoqarnerulerlertussaavoq, nalunaaquttap akunneranut agguaqatigiissillugu biilit ataasiussallutik. Tamatuma malitsigisaanik illuaqqanik piorsaasoqaraní angallannikkut atuinermut sanilliullugu nalunaaquttap akunnerani biilit ingerlaartartut 3-niit 4-nut amerlisussaapput.

Aqqusineq ujaraaqqanik qalligaasoq ingerlaavartumik aserfallatsaaliorqartussaavoq, taamaattumik ujaraaqqanik atortussanik, aqqusineq sinerlugu sumiiffimmit piiarneqartartussanik, pisariaqartitsisuaannartoqartussaalluni.

Aserfallatsaaliuinermut illunit aammalu uninngaartarfinnit imikoornerit tankini katersorneqartassapput aammalu Kangerlussuarmut imaluunniit Sisimiunut assartorneqartassallutik, tassani kuutsitsinissamut akuersissutinut atuuttunut naapertuuttumik kuutsinneqartassallutik.

*Ingerlatsinermut immikkoortumi avatangiisinut sunniinerit*

Matuma kinguliani aqqusinniassamit ingerlatsinermut immikkoortumi avatangiisinut sunniinerit annertunerpaat nassuiardeqarput.



### Tuttut aamma umimmaat

Sumiiffik aqquserngup pilersaarutigineqartup eqqaaniittooq ullumikkut tuttut umimmaallu neriniartarfigaat pingaaruteqartoq, neriniartarfittut, piaqqisarfittut pisuffittullu taakkua atorlugu. Aqqusineq pilersinneqareerpat, ulloq unnuarlu biilit 45-it angullugit angallattoqalissasoq naatsorsutigineqarpoq. Aqqusinermit aamma pisuinnarluni sumiiffimi ingerlaartoqarsinnaavoq aammalu uumasut qanillillugit misigisaqartoqarsinnaalluni kiisalu aallaaniartoqarsinnaalluni. Naatsorsutigineqarpoq nunataani angalaarneq tuttunut umimmannullu akunnattumik-annertuumik akornusersuisussaasoq, uumasut sumiiffimmiit qimagunnerannik imaluunniit piaqqiornerminni iluatsitsilluannginnerusalernerannik malitseqartumik. Naatsorsutigineqarpoq taamatut sunniineq aqqusernup sinaanni tamaginni 5 km tikillugu aammalu illuaqqat unnuisarfiillu eqqaat kaajallallugu 10 km tikillugu pisinnaasoq. Sunniineq najukkami pisussaavoq aammalu tuttut umimmaallu tamakkiisutut isigalugit uumasunut taakkununnga sunniuteqartussaanani.

### Nerlerit

Aqqusinermi aammalu aqqusinermit angallannermit akornusersuinerit aamma nerlernik piaqqiortunut akornusersuinernik malitseqarsinnaavoq. Nerlernut sunniinerit akunnattumik annertussuseqassasut naliliisoqarpoq.

#### 2.1.3 Matusineq

Sanaartugaq ataavartussaq matumani pineqarpoq, aammalu suliassamut nassuiaat aqqusernup peerneqarnissaanut pilersaarummik imaqanngilaq.

## **2.2 Periarfissat allat**

Suliassap aallartinneraniilli aqqusernup ingerlaarfissaata inaarutaasup kujataani aqqusernup ingerlaarfissaannik allanik assigiinngitsunik misissuisoqarpoq aammalu taakkua toqqarneqaratik. Ingerlaarfissaata inaarutaasoq sanaartornermi teknikkikut suliniutissat annikillisinnejarnissaannut, peqatigisaanillu pinngortitami avatangiisinilu sunniinerit killilersimaarniarnissaannut, naaperiaaneruvoq.



### 3 Suliniummi pisariaqartut

Sanatitsisup suliniummut tunngavigisai tassaapput suliniutissat/aallaavissat immikkullarissut, sanatitsisup suliassamik pilersitsinissamut ingerlatsilernissamullu atatillugu pisussaaffigilersimasai. Tunngavigisat taakkua sanatitsisup ASN-mut nassuaammi suliassamut nassuaataanni nassuarneqarput. Tunngavigisat pingarnerpaat takussutissiami matuma kingulianittumi issuarneqarput.

**Tunngavigisat avatangiisinut sunniutaasussanik nalilersuinermut ingerlanneqareersumut aammalu ASN-mut akuersissuteqarnermut tunniunneqartumut tunngavigineqartut.**

Quleqtaq	Pisariaqartoq	ASN-mut nassuaammi immikkoortoq
ATV-t aqquataq	3 meterisut silitsigisumik ataasiinnarmik ingerlavissalimmik aqqusinniorqassaaq. Aallaaviatigut sanaartornertalimmik suliaqartoqassaaq, maniilakulattunik sivingavallaanillu manissaanermik. Aqqutissaq sanaartorfiusussaanngitsuni ujaqqanik napasunillu nalunaarsorneqassaaq. Pingarnerusumik aqqut pilersinneqassaaq nunami aalaajaatsumi, pisariaqartilluguli assaasoqartassalluni. Ikaartafeqassaaq ataatsimik. Kilometerikkaakannerlugu saneqqunnissamut inissaliorqassaaq.	Immikkoortoq 4.3 Suliassamut nassuaat
Aqqusineq ujaraaqjanik qalligaasoq	2x3 meterinik silitsigisumik illuatungaanni tamaginni 0,5 meterinik aqqusineq sineqartillugu, marlunnik aqqutissalimmik aqqusinniorqassaaq. artorneqassaaq aqqusiornermi assaasoqarlni (aqqusinissaq ujaraasumiinngikaangat). Sivinganersakkut qaartiterisoqassaaq sivingassussisaq annerpaaq akuerineqartoq sivingassuseritinniarlugu. Illuliortoqassaaq 2-3-nik maskiinanut aserfallatsaaliuinissamut atugassanut aputajaanermilu atugassanik. Aammattaqaq uninggaartafloroqassaaq qulit tungaanut amerlatigisunik anartarfiliinnillu eqqagassanillu katersuiviusunik.	Immikkoortoq 4.3 Suliassamut nassuaat
Angallanneq	Suliassamit matumannga avatangiisinut sunniinernik nalilersuinermut tunngavigisaq tassaavoq Sisimiuniit Kangerlussuarmut isorartussuseq tamaat pilersitsisoqassasoq. Naatsorsuutigineqarpoq 2030-imi biilit 6.295-it ukiumut aqqusineq atortassagaat. Ajornerpaamik pisoqarpat biilit, bussit aamma lastbiilit 35-it kiisalu ATV-it 15-it ulloq unnularu aqqusinikkoortassasut.	Immikkoortoq 7.1 Angallanneq Tunngavigisat aamma tunngaviusut
Erngup killilersorneqann	Kuuit aammalu sumiiffiit imeqartut saneqqunneqarneranni, erngup killilersorneqarani kuussinnaanissaa qulakteerneqartussanngorlugu,	Immikkoortoq 4.3 Suliassamut nassuaat



<b>gitsumik kuussinnaanera</b>	aqqusineq inissinneqartassaaq. Ataatsimik ikaartarfiliisoqassaaq. Taamaattumik aqqusiniliinermi aqqutissami tassani kuuttunut tunngasut sunnerneqassangillat.	
<b>Ikaartarfik</b>	Ikaartarfik ilusilersorneqarsinnaavoq betoninik sanaatut immikkoortukkuutaartoq sinaatigut paakkarutilik imaluunniit ungaluusalik. Ikaartarfik silissusissavimmisut pilersinneqarsinnaavoq qeqqatigulluunniit immikkoortulerneqarsinnaanngorlugu ATV-nut aqqut aqqutivinngorlugu suanngarneqalerpat. Periarfissaq alla tassaavoq sananeqarsinnaavoq saviminermik ikkussoriaannanngorlugu ilusilersoriikkamik.	Immikkoortoq 4.3 Suliassamat nassuaat
<b>Erngup aqqusinermeersu p koroosaarnera</b>	Nunap qaani erngup annertussusaa aqqummit ujaraaraasumit allamut sangutitassap killilerujussuunera tunngavigalugu, avatangiisini allamut sangutitsineq kussinilorani allatigulluunniit ilusilersuigani pisinnaavoq, aqqutip avataatungaani avatangiisini imeq kuuttoq nunamut pulakkassamat.	Immikkoortoq 4.3 Suliassamat nassuaat
<b>Qaartiterineq</b>	Ingerlaariup ilaani pingasuni qaqqanik qaartiterisoqarnissaa naatsorsuunneqarpoq. Sumiiffit pingasut taakkua ASN-mut nassuaammut suliassamat nassuaammi Ilusiliaq 4.10-imik toornernik qorsunnik nalunaqutserneqarput aammalu taagorneqarlutik S1, S2 aamma S3. Katillugit qaqqaq 400 m3-t sinnilaarlugit qaartiterneqassasoq ilimagineqarpoq. Tassunga qaartiterutip 250 kg-p missaa atugassaavoq (ANFOR atugassaanngilaq). Qaqqaq qaartitigaq aqqusinniornermi iluaqtigineqassaaq S3-mullu tunngasuni aamma sissiukkamut aserfallatsaaliuinermullu illuliassap eqqaanut atorneqassalluni.	Immikkoortoq 4.3 Suliassamat nassuaat
<b>Aqqusinermut atortussanik piiaaneq</b>	Sulinummik piviusungortitsinissamat atortussiat pingaarutilit aqqutissap ingerlargini pissarsiariortorneqassapput aqqutillu ungataani nunami piffimmi ammalortuusap iluani 30 m-imik ungasitsigisumeerlutik. Aqquserngulli qanittuanit 200 m-t tikillugit ungasissusianit atortussanik aallertariaqarnissaq peritaarsinnaavoq. Aqqutissami geotekniskimik (ujaqqat piginnaeranngut tunngasumik) misissusoqanngilaq, nalilerneqarporli piffinni ASN-mut nassuaammut suliassamat nassuaammi Ilusiliaq 4.10-imik takutinnejartuni aqquserniassap avataatungaaniit atortussiassanik aallertoqartariaqarsinnaasoq. Aqquserniassap avataatungaaniit aallernissamat atatillugu akuersissummik qinnuteqaasiortoqassaaq, aallerfisanut aalajangersimasunut.	Immikkoortoq 4.3 Suliassamat nassuaat
<b>Tatsit tarajornitsumik imeqartut eqqaanni aqqusinermut atortussanik piiaaneq</b>	Tatsinit tarajuusunit 1 km-imiiit qaninnernut atortussanik aallernissamat qinnuteqartoqarnaviangilaq.	Immikkoortoq 4.3 Suliassamat nassuaat
<b>Tatsit tarajornitsumik imeqartut</b>	Tatsinut tarajornitsumik imeqartunut toqqaannartumik uuliakumik kuuttoqarsinnaajunnaarlugu aqqusineq sananeqassaaq.	
<b>Sumiiffiup iluarseqqinnej nera</b>	Atortussanik nutaanik aallertariaqarnermi imaluunniit atunngisanik aqqusinissap avataanut inissiinermi piffit pineqartut suliaqannginnermi inuerutseqqaerneqassapput. Suliaq naammassineqarpat nunap qaavata suliaqarfingineqanginnerani isikkua sapinngisamik assinganut aaqqisornejassaaq.	Immikkoortoq 4.3 Suliassamat nassuaat
<b>Aserfallatsaaliuf fiusussanik inissiineq aamma annertussililine q</b>	Aqqusineq 130 km missaannik isorartussuseqassaaq. Aqqusernup ujaraaraasup suliarineqartarnissaanut atisunillu sullissinissamat aserfallatsaaliuinissamat aputajaanissamullu unittarfinnik pingasunik pilersitsisoqassaaq. Taakku pisariaqartilslernermi pilersinneqarumaarpot, attavillu aqqusinniorneqareerpat ujaraaraasumik. Illut annerpaamik angissuseqassapput 350 m <sup>2</sup> -tut quummullu 8 m tikillugu portussuseqassallutik. Unittarfait garageqassapput sulisunullu ineqassalluni. Illut avatangiisintut tulluarsarnejassapput. Illuliat inissinneqarnissaat i ASN-mi nassuaammut suliassamat nassuaammi Ilusiliaq 4.10-mi takuneqarsinnaapput.	Immikkoortoq 4.3 Suliassamat nassuaat



<b>Puttasut</b>	Kangerluuarsuk tullermi ikaartarfiliortoqassaaq puttasunik umiarsuit taliffigisinnasaannik ilaasunik immaqalu ATV-nik ikisillutillu niusisinnaaaffissaannik. Ikaartarfik puttasusoq taamaallaat umiarsuarnit sikumut mattusarneqanngitsunit tикинneqartassaaq. Taamaammat ikaartarfimmik puttasumik pilersitsinissamik toqqaasoqarpooq, nunamut qaqinneqartartussamik imaluunniit Sisimiunut assartorneqartartussamik piffissani kangerlummi angallaffiungitsuni.	Immikkoortoq 4.3 Suliassamut nassuaat
<b>Puttasut eqqaanni nunaminertaq</b>	Umiarsuit talittarfianni ATV-nut inissiisarfimmut ilaasullu ikaassuisartunut ikisartunullu 100 m <sup>2</sup> -t missaat nunaminertassinneqassaaq. Sumiiffik tamanna 100 m <sup>2</sup> -itut annertutigisoq manissarneqassaaq. Saniatigut piffimmi ilaasunut utaqqisunut oqquiffissaliorraqtoqassaaq. Nunamik manissaaneq avatangiisini sunniinavianngilaq suliniummut atortussiat eqqannguanit aaneqassammata. Talittarfiup eqqaani ikummatissamik toqportaasiveqassangilaq talittarfik ilaasunik ATV-nit/hut angallammut/-millu ikaartsinermi atorneqartussaammat.	Immikkoortoq 4.3 Suliassamut nassuaat
<b>Puttasut eqqaanni illu sullivissaq</b>	Illu sullivissaq ataaseq Kangerluuarsuk Tullermi inissinneqassaaq. Taamaammat aallaqqammut ATV-ginnarnut aqqusiorqatarluarpalluunniit pilersinneqarnissaq piviusunngorsinnaavoq, ATV-nut qamutinullu allanut inissiiffissamik illoqartinniarlugu.	Immikkoortoq 4.3 Suliassamut nassuaat
<b>Uninngaartarfii</b>	Aserfallatsaaliuinissamut unittarfiiut saniatigut uninngaartarfinnik qulinik pilersitsisoqassaaq eqqagassanik katersuviusunik oqquisimaarfiusinnaallutillu anartarfeqassallutik. Uninngaviiut inissinneqarnissaat suli aalajangerneqanngillat inissinneqassappulli avatangiisini tullaarsagaallutik nerlerillu tamaaniittartut mitsimaartarfii/neriffigisartagaat isaffigisartagaallu naammattumik ungasillugit.	Immikkoortoq 4.3 Suliassamut nassuaat
<b>Imikoornerit</b>	Sullivinnit perusuersartarfinnillu imikoq imikuusivinnut katersorneqartassaaq, taakkunaniit Sisimiunut Kangerlussuarmulluunniit assartorneqartassalluni, taakani inoqarfinni imikoornerit assigisaannik isumagineqassalluni.	Immikkoortoq 11.4 Imikoorut, imeq nunap qaavaneersoq aamma nunap iluani imeq – Ingerlatsinermut immikkoortumi sunniinerit
<b>Eqqagassat</b>	Illunit eqqagassat katersorneqartassapput kommunimi eqqagassanut maleruagassat atuuttut naapertorlugit isumagineqartassallutik.	Immikkoortoq 12.4 Eqqagassat aamma eqqagassalerineq – Ingerlatsinermut immikkoortumi sunniinerit

### **3.1 Suliassamut piffissamut pilersaarut pinguarneq**

Suliassamut piffissamut pilersaarut pinguarneq manna ASN-mut  
akuersissuteqarnermut tunngavagineqarpoq:

*Takussutissiaq 1 Sanaartugassami piffissamut pilersaarut ASN-mut nassuaammiallaaserineqartoq*

Ingerlatassaq	Piffissaq
ASN-mut nassuaatip tamanut tusarniaassutigineqarnera	15. januari – 11. marsi 2020
ASN-mut akuersissuteqarneq	Maaji 2020
ATV-t aqquqtiisaannut suliassamut negeroortitsineq	2020-imi aasaanera



ATV-t aqqutissaannut sanaartorneq	2020-imi aasaanera
ATV-t aqqutissaannik atuilerneq	2021-imi aasaanera
Kangerlussuarmiit Aasivissuarnut tukimut aqqusiniusussaasinnaasup killiganut ujaraaqqanik qallikkamik aqqusinniorneq	2020-imi aasaanera
Aasivissuarniit Kangerluarsuk Tullermut tukimut aqqusiniusussaasinnaasup killiganut ujaraaqqanik qallikkamik aqqusinniorneq	Piffissaq ilisimaneqanngilaq
Ujaraaqqanik qallikkamik aqqusinermik atuilerneq	Piffissaq ilisimaneqanngilaq



## **4 Akuersissuteqarneq atugassarititaasuni piumasaqaatitaqartoq**

Kapitali ASN-mut akuersissuteqarnermut atugassarititaasunik imaqarpoq. Kapitali atugassarititaasunut nalinginnaasunut, sanaartornerup ingerlatsinerullu immikkoortuinut atugassarititaasunut aammalu matusinissamut atugassarititaasunut aggulunneqarpoq. Kapitali 5-imi atugassarititaasut tunngavilorseqarput.

Suliffeqarnermut, Ilisimatusarnermut Avatangiisinullu Naalakkersuisoqarfik ASN-mut akuersissuteqarnermut matumunnga atugassarititaasut malinneqarnerannut nakkutilliisuuvvoq.

ASN-mut akuersissuteqarnermi taamaallaat suliassamik ASN-mut nassuaammi nassuiarneqartumik sanaartorneq ingerlatsinerlu pineqartunut ilaatinneqarput. Ingerlatassat akuersissuteqarfigineqartut saniatigut allanngorttsisoqarpat (ilanngullugit akunnittarfinnik, illuaqqanik pilersitsineq, Aasivissuit – Tasersuup akornanni tukimut aqqusineq allallu), tamanna pitinnagu tamatuminnga Suliffeqarnermut, Ilisimatusarnermut Avatangiisinullu Naalakkersuisoqarfik qinnuteqarfigineqassaaq. Suliassamut nassuaat aammalu najoqqutassat allat allannguutinut iluarsisat Suliffeqarnermut, Ilisimatusarnermut Avatangiisinullu Naalakkersuisoqarfimmut nassiuunneqassapput, tamatuma kingorna allannguutit akuersissuteqarfigineqartussaatitaanersut nalilorseqassalluni. Allannguutit oqartussat allaganngorlugu akuersisimatinnagit allartinneqaqusaanngillat.

### **4.1 Sanaartornermut atugassarititaasut**

#### **Avatangiisinut pilersaarut**

- 1 Sanaartornermik suliassat aallartinneqannginneranni Qeqqata Kommunia suliassamut avatangiisinut pilersaarummik suliaqassaaq. Avatangiisinut pilersaarummi nassuiarneqassapput:
  - a) Uulianik tunisassianik akuutissanillu kuutsitsisoornermi sillimaniarluni iliuusissat, ilanngullugit uninngasuuteqarnermut tunngasut aammalu ajutoornermut kuutsitsisoornermullu atatillugu mingutsitsinermik



pitsaliuilluni killilersimaarinninniarlunilu sillimaniarluni iliuusissat aallartinneqartussat. Sillimaniarluni iliuusissat nalinginnaasut saniatigut, tatsit tarajornitsumik imeqartut aammalu narsamanit tarajullit eqqaanni sumiiffinni ajutoorernut kuutsitsisoornernullu sillimaniarluni iliuusissanik immikkullarissut Avatangiisinut pilersaarummi allaaserineqassapput.

- b) Uuliamik/akuutissanik kuutsitsinerup imaluunniit kuutsitsisoornerup sumi mingutsitsisinnaanerata aarlerinaateqarneranut nassuaatit.
- c) Akuutissanik, eqqagassanik imikoorernillu sanaartornerup immikkoortuani passussinissamut pilersaarut. Passussinerup atugassarititaasunut 18-29-nut naapertuuttumik pinissaa pilersaarummi qulakkeerneqassaaq.
- d) Aqqusinerni, sanaartornerup immikkoortuani narsamarnit tarajullit aqqusaarlugit inissimasuni aputaanissamut pilersaarut, aammalu tatsit tarajornitsumik imeqartut avatangiisiittuunngitsunik akuutissartaqlersinnginnissaannik qulakkeerisoq.
- e) Sumiiffimmi nunap qaavani kuuttoqarnerata qanoq iliuuseqarfinginissaanut nassuaat.
- f) Entreprenørmaskiinanik allanillu atortunik sanaartornermut piffissat akornanni inissiinissamut uninngasuuteqarnissamullu nassuaat.

Avatangiisinut pilersaarut Suliffeqarnermut, Ilisimatusarnermut Avatangiisinullu Naalakkersuisoqarfimmumtakuersissuteqarfingineqartussanngorlugu nassiunneqassaaq. Naalakkersuisoqarfik avatangiisinut pilersaarummutakuersissuteqareertinnagu, sanaartornermik suliaqarneq aallartinneqqaqusaanngilaq.

### Aqqusinniassaq (inisisimaffia aamma atortussanik piiaaneq)

- 2 ATV-it aqquaata aammalu illuarfissat sanaartorneqartinnagit sanatitsisup ATV-it aqquaannut inaarutaasumut pilersaarut Suliffeqarnermut, Ilisimatusarnermut Avatangiisinullu Naalakkersuisoqarfimmumtsaqqummiutissavaa, allassimassallutik:
  - a) Sumiiffiit aqqusinermut atortussanik piiaavigineqarsinnaasut
  - b) Ikaartarfiup suussusaa ilusiligaaneralu
  - c) Sumiiffiup piiaavigineqartussap aammalu taakkununnga aqqusiniliinerup nassuiarnera.
  - d) Suliniutit imeqarnerit ataqtigiinnerannik qulakkeerisussat, suliniutissat suut sumi ingerlanneqarniarnersut allallugu.



Tassani ilaapput ruujorit ingerlaartinneqarnerat,  
ikaartarfiugallartussat il.il.

Suliffeqarnermut, Ilisimatusarnermut Avatangiisinullu Naalakkersuisoqarfik  
pilersaarummut akuersissuteqareertinnagu, ATV-it aqquaannik  
sanaartorneq aallartinneqaqqusaanngilaq.


- 3 Ujaraaqqanik qalligaasumik aqqusinniorissaq sioqullugu sanatitsisup aqqusernup ingerlaarfissaanut inaarutaasumut pilersaarut Suliffeqarnermut, Ilisimatusarnermut Avatangiisinullu Naalakkersuisoqarfimmut saqqummiutissavaa, allallugit:
  - a) Aqqusernup tunngavianut aammalu aqqusernup assanneqartussap inissismaffianut nassuiaat
  - b) Illuarfissat/uninngaarfissat inissismaffii
  - c) Aqqusernup aserfallatsaaliorneqarnissaanut aputaajaanissamullu maskiinanut illut sullissiviit
  - d) Sumiiffiit atortussanik piaavagineqartussat inissiiviusussallu (qaarsuinnaq/sioqqat/issoq il.il.) nassuiarneqarnerat, ilanggullugu sumiiffinnut taakkununnga aqquaagallartussat aammalu aqqusernit ataavartussat.
  - e) Sumiiffiit qaartiterinernik suliaqarnissamik pisariaqartitsiviusut aammalu ujaqqanik qaartiterinermeersunik sinneruttuusinnaasunik inissiineq
  - f) Ikaartarfiup allilerneqarsinnaanera
  - g) Sulinuit imeqarnerit ataqtiginnerannik qulakkeirisussat, sulinuitissat suut sumi ingerlanneqarniarnersut allallugu.  
Tassani ilaapput ruujorit ingerlaartinneqarnerat,  
ikaartarfiugallartussat il.il.
- 4 Biilit ingerlaarnerannit uuliamik imaluunniit ikummatissamik kuutsitsisoqarnerani tatsit tarajornitsumik imeqartut aamma narsaamarnit tarajullit sunnerneqartussaajunnaarlugit aqqusineq sananeqassaaq.
- 5 Aqqusinniaq tatsit tarajornitsumik imeqartut eqqaanni illersuinermut killeqarfiup 100 meteriusup iluani inissisimaqqusaanngilaq.
- 6 Aqqusinniassamut sumiiffiit piaaviusut aammalu atortunik inissiiviit narsaamarnit tarajullit imaluunniit tatsit tarajornitsumik imeqartut eqqaanni illersuinermut killeqarfiup 100 meteriusup iluani inissinneqaqqusaanngillat.



- 7 Aqqusinniassamut inissiivissaq aammattaaq tunngavissarititaasut makkua malillugit aalajangersarneqassaaq:
  - a) Narsaamarnit tarajullit aqquaarlugit aqqusiniliineq annikinnerpaatillugu inissinneqassaaq, taamaattoq tatsinut tarajornitsumik imeqartunut 100 meterinik ungassisuseqartitsinissamut piumasaqaat eqqarsaatigineqassalluni.
  - b) Naalakkersuisoqarfimmit akuersissuteqartoqarsimanngippat, sumiiffinni ataqtigiissunik annertunerusunik orpeqartuni aqqusinniassaq sananeqaqquaanngilaq.
  - c) Suliffeqarnermut, Ilisimatusarnermut Avatangiisinullu Naalakkersuisoqarfimmit akuersissuteqartoqarsimanngippat, sumiiffinni tarajulinnik narsaamanertaqartuni illuarfissanik/uninngaarfissanik sanasoqaqquaanngilaq.
  - d) Aqqusinniassaq sapinngisamik pinngortitami qaarsumi, narsaamanermi naasoqanngitsumi, qaqqami paarnaqutilimmi aammalu qaqqami narsaamanertalimmi sananeqassaaq, taamaalilluni nunap qaavani nunaminertani aammalu avatangiisini eqqaanniittuni sunniineq sapinngisamik annertunerpaamik annikitsuutinnejassalluni.
  - e) Aqqusineq masarsoqarfiit tasinnguanik masarsunnillu naasoqarfiusunik peqarfiusut kiisalu sumiiffiit annertuumik uumasunik assigiinngisitaartunik peqarfiusut, ilangullugit naasoqarfiiit, aqquaarlugit sapinngisamik inissinnaveersaarneqassaaq.
- 8 Suliffeqarnermut, Ilisimatusarnermut Avatangiisinullu Naalakkersuisoqarfik akuersissuteqarsimatinnagu, tatsinut tarajornitsumik imeqartunit aamma narsaamanernit tarajulinnit imaluunniit sumiiffinnit tatsit tarajornitsumik imeqartut tungaanut pinngortitami kuuaarfiusartunit 1000 meterinit qaninnerusumi kvælstof-inik akullit qaartiterutissat atorlugit qaartiterisoqquaanngilaq.
- 9 Sumiiffinni tarajornitsumik imeqartunik tasilinni aamma tarajulinnik narsaamaneqartuni, sumiiffinni imeqarnermut tunngasut akornusersorneqartussajunnaarlugit, sanaartornermik suliaqarneq aaqqissuunneqassaaq. Sumiiffimmi nunap qaavani kuuttoqarnerata aamma aqqusinnioreernerup kingorna ingerlalluarsinnaanissaa qulakkeerneqassaaq. Tamanna assersuutigalugu aqqusernup ataani ruujorit inissinneqarnerisigut aammalu aqqusernup sinaani kuuffiusussamut erngup nunakkoorluni kuunnissaanik qulakkeerinikkut pisinnaavoq.
- 10 Aqqusineq puilasut annikinnerusut aammalu kuuit ikaarlugit sananeqassappat, masarsoqarfiit kuuffiusut sunnerneqarnissaasa annikinnerpaamiitinnissaa qulakkeerneqassaaq.



- 11 Nerlerit eqqarsaatigalugit Blindeelven avannaani (sumiiffik Ilusiliaq 3-imi ammalortup tunguusap iluaniittoo) sumiiffimmi sanaartornerit piffissami 20. apriili - 1. juuli ingerlanneqaqqusaanngillat.



*Ilusiliaq 3 Ammalortumi tunguusami nalunaaqutserneqarpoq sumiiffik eqalugaarniarfiup avannaaniittoo, nerlernik piaqqisunik uninngaartunillu takusaqarfiusimasoq.*

- 12 Kulturikkut oqaluttuarisaanermi nassaat sunnerneqarnissaat pinngitsoortinniarlugu, nalunaarusiam "Heritage impact assessment of the nature road between Sisimiut and Kangerlussuaq" innersuussutit aqqusinniornermi malinnejassapput.

### Atortussanik piaaneq

- 13 Aqqusernup nunaminertaata avataani atortussanik piaagallarnermi saanngut, issut aammalu naasoqarfii pioreersut, piaaffiusussamut aqqusinniorallarnermi sapinngisamik atatiinnarneqassapput imaluunniit nunataa iluarseqqinnejqarsinnaanngorlugu suliarineqassallutik inissinneqarallassallutillu (takuuk atugassaritaasoq 31).
- 14 Qaartiterinermik suliaqarnernit ujaqqat qaartiterinermeersut sinneruttut aqqusineq sinerlugu aammalu tassunga qanittumi sumiiffinni toqqakkani inissinneqassapput aammalu avatangiisnut naleqqussarneqassallutik.

### Sanaartornerup immikkoortuani angallanneq

- 15 Sumiiffinni, tatsit tarajornitsumik imeqartut eqqaanni illersuinermut killeqarfiiup 100 meteriusup iluaniittuni biilinik ingerlaartoqaqqusaanngilaq.



- 16 Sumiiffinni pinngortitami tarajulinnik issoqartuni /narsaamarnit tarajullit aqqusernup inissiffissaani taamaallaat biilnik ingerlaartoqaqquaavoq sulisoqaaqquaallunilu.
- 17 Maskiinat oqimaatsut atorlugit ingerlaarneq aqqusinerni sulinermi atugassatut sumiiffissatullu pilersinneqartuni taamaallaat pissaaq.

### **Sanaartornerup immikkoortuani akuutissanik, eqqagassanik aamma imikoornerik passussineq**

- 18 Suulluunniit illup iluani atuinermut, igaffimmi, eqqiluisaarnermut atortorissaarutini, errorsisarfnni il.il. atorneqartussat, sapinngisamik avatangiisinut mingutsitsisartuussanngillat aammalu avatangiisinut nalunaaqutsigaassallutik (EU-Blomsten, Svanemærket assigisaaluunniit).

### **Imikoorut**

- 19 Nerisassiornermit, atisanik errorsinermit, uffarnermit anartarfinnillu (kuuffiit imaat) imikoornerit, kommunimi eqqagassalerinermut malittarisassat atuuttut naapertorlugit katersorneqartassapput iginneqartassallutillu.

### **Eqqagassat aamma uuliamik sanaat**

- 20 Eqqagassat manngertut aamma uuliamik sanaajusut tamarmik atugassarititaasuni 21-miit 29-mut allassimasunut piumasaqaatinut naapertuuttumik passunneqassapput.
- 21 Ikummatissanut tankeqarfiiq qaleriinnik iigaqassapput. Taamaanngippat tankeqarfik kuserfeqartillugu imarluunniit ameraasaqartillugu inissinneqassaaq, minnerpaamik tankit annersaasa imarisinnaasaattut annertussusilimmik katersuivittaqtumik. Tankeqarfiiup naqqa toqqissuutillugu panertumiitillugulu inissinneqassaaq aammalu aporneqarnissamut isumannaagaassalluni. Tankeqarfik ingerlaannaq matusartumik aammalu ussersorneranut kalerrisaarutitalerlugu atortuligaassaaq.
- 22 Imerpalasut avatangiisinut navianartunik akuutissartaqtut, soorlu ilaatigut savimernit oqimaatsut, akuutissat, ikuallajasut, qaarsinnaasut imaluunniit qinngorernik ulorianartunik akullit, katersorneqassapput aammalu imikoornerut ilanngullugit kuutsinneqaaqquaanatik. Imerpalasut taamaattut eqqagassatut navianartutut suliarineqassapput aammalu minnerpaamik tankit annersaasa imarisinnaasaattut annertussusilimmik katersuivittaqtumik kuserfissami imaluunniit ameraasami nappartani ussisssuni qulisaniitinneqassallutik. Napparat aporneqarnissamut isumannaagaassapput. Napparat kommunimi eqqagassalerinermut malittarisassat atuuttut naapertorlugit iginneqassapput.
- 23 Eqqagassat ikuallanneqaaqquaanngillat imaluunniit assaanneqaaqquaanatik aammalu sumiiffimmi siaruartinneqaaqquaanatik, ilanngullugit kuunni, tatsini imaluunniit imaani. Eqqagassat tamarmik kommunimi



eqqagassalerinermut malittarisassat atuuttut naapertorlugit  
katersorneqassapput iginneqassallutillu.

- 24 Nerisat sinnikui puussani ussisuni matulinni niviukkanut/uummasunut isumannaagaasuni inissinneqassapput (assersuutigalugu eqqaavinni nannunut teriannianullu isumannaagaasuni) aammalu kommunimi eqqagassalerinermut malittarisassat atuuttut naapertorlugit iginneqassallutik.
- 25 Uuliat eqqagassat imaluunniit uuliamik akullit kuserfeqartillugu imarluunniit ameraasaqartillugu, minnerpaamik poorineqartut annersaasa imarisinnaasaattut annertussusilimmik katersuivittaqtumik matulimmik ussissumik pooqartillugit qulisamiitinneqassapput. Poorineqartut aporneqarnissamut isumannaarneqassapput. Eqqagassat piffissaq sanaartorfiusoq naatinnagu kommunimi eqqagassalerinermut malittarisassat atuuttut naapertorlugit iginneqassapput.
- 26 Qisuit mingoqanngitsut aammalu pappiaqqat uninngasuutigineqassapput aammalu kommunimi tigooqqaasarfimmut sumiiffimmiit assartorneqassallutik.
- 27 Eqqagassat avatangiisinut navianartut, saviminernik oqimaatsunik, toqunartortalinnik imaluunniit akutissanik navianartunik allanik akullit, kommunimi eqqagassalerinermut malittarisassat atuuttut naapertorlugit iginneqassapput. Eqqagassanik uninngatitsinermi assartuussinermilu eqqagassat matulimmik ussissumik pooqartillugit qulisamiitinneqassapput.
- 28 Atortut ikuallajanngitsut, ilanngullugit atortut atorunnaakkat aammalu ikummatis sap puukui imaqanngitsut, piffissap sanaartorfiusoq naannginnerani kommunimi eqqagassalerinermut malittarisassat atuuttut naapertorlugit iginneqassapput.
- 29 Nunamernit mingutsinneqarsimasut katersorneqassapput aammalu kommunimi eqqagassalerinermut malittarisassat atuuttut naapertorlugit eqqagassatut navianartutut passunneqassallutik aammalu piffissap sanaartorfiusoq naannginnerani iginneqassallutik.

### Aqqusinnaagallartumik pilersitseqqinneq

- 30 Sanaartornermik suliaqarnerup naammassereernerani aqqusiniugallartut aqqusernup ingerlaarfissaata avataani sumiiffinnut piaaviugallartunut aqquaasut, iluarseqqinnejassapput.
- 31 Saanngut/issut/naasoqartut pilersitsinerup immikkoortuani toqqorsivimmut inissinneqarsimasut, tamatuma kingorna siusinnerusukkut aqqusiniugallartup nunaminertaani inisseqqinneqassapput / ikkussoqqinnejassapput, sorlai matoorneqarlutik, aammalu naaqqissinnaanngorlugit. Iluarseeqinnermi kussinerit immerneqarnissaat akuliutsitsinissarlu qulakkeerneqassaaq, taamaalilluni "naasussat nutaat" nunap ilusaani killingiusaannut, uinganerinut, ujaqqat angisuut mikisullu katitigaanerannut, sioqqanut il.il. tunngatillugu pinngortitami




qanitaaniittunut nunap qaava assingulissalluni, taamaalliluni avatangiisini eqqaaniittunut aammalu pinngortitap nunaminertaannut pissusissamisoortutut isikkoqalissalluni. Naggorissaasoqaaqqusaanngilaq imaluunniit ikkussueqqittoqaqqusaanani. Iluarseeqqinnerup nalaani nunaminertani avatangiisuini pioreersunik naasoqarfeqartuni ingerlaartoqaqqusaanngilaq. Iluarseereernerup kingorna nunaminertani iluarseqqinnejartuni ingerlaartoqaqqusaanngilaq.

- 32 Puilasuni aammalu kuunni minnerusuni aqqusiniliisoqarsimappat, taakkua peerneqassapput, aammalu kuuttup pinngortitami inissisimanera kuunneralu iluarseqqinnejassalluni.
- 33 Suliaqarnerit naammassereersut assilisanik uppernarsaaserneqassapput, aammalu uppernarsaatit Suliffeqarnermut, Ilisimatusarnermut Avatangiisinullu Naalakkersuisoqarfimmut nassiunneqassallutik.

## 4.2 Ingerlatsinermut atugassarititaasut

### Atugassarititaasut nalinginnaasut

- 34 Suliassap sumiiffiani eqqaanilu motoorilinnik atuilluni angalaarnermi asimi ingerlaarnernut kommunip malittarisassai malinneqassapput.
- 35 Piffissami 20. aprilli - 1. juuli, Itinnerup eqqaani nerlerit upernaakkut uninngaarfingisartagaannit aammalu neriniarfingisartagaannit 10 km iluanni, Suliffeqarnermut, Ilisimatusarnermut Avatangiisinullu Naalakkersuisoqarfipu akuerisaanni uninngaartarfinni taamaallaat uninngasoqaqqusaavoq, takuuk atugassarititaasoq 3 b), takuuk Ilusiliaq 4. Nerlerit upernaakkut uninngaarfingisartagaasa aammalu neriniarfingisartagaasa kangianni kitaannilu 10 km-sut ungasissusilimmi aqqusinermut atasumik allagartarsualiisoqassaaq, nerlerit pillugit paasissutissartalinnik, ilanggullugu piffissami 20. aprili - 1. juuli taamaallaat uningaartarfittut suliarineqartuni uninngasoqaqqusaassooq. Uningaartarfinni nerlerit pillugit paasissutissaqartunik allagartarsualiisoqassaaq. Paasissutissat minnerpaamik kalaallisut, danskisut tuluttullu allassimassapput, aammalu nerlerit piffissami 20. aprili - 1. juuli akornusersorneqaqqussaanngitsut ersarissumik allassimassalluni. Sumiiffimmi sumiiffiit piaaviusussat ataavartussat piffissami 20. aprili - 1. juuli atorneqaqqussaanngillat, aammalu nerlernut sunniinerlussinnaasunik ingerlataqartoqaqqusaanani. Qeqqata Kommunia piffissami 20. aprili - 1. juuli atugassarititaasup malinneqarneranut nakkutilliissaaq aammalu ukiumoortumik nalunaarusiornermut ilaatillugu tamanna pillugu Suliffeqarnermut, Ilisimatusarnermut Avatangiisinullu Naalakkersuisoqarfik ilisimatissallugu, takuuk atugassarititaasoq 39.



*Ilusiliaq 4      Itinnerup eqqaani nerlerit upernaakkut uninngaartarfii/neriniartarfii.*

- 36 Kuutsitsisoortoqarsinnaanera/ajutoortoqarsinnaanera kiisalu eqqakkanik siaruartitsisoqarsinnaanera iliuuseqarfiginiarlugu killilersimaarniarlugulu narsaamanernut tarajulinnut kiisalu uninngaartarfinnut tikikkiartortarfinni allagartarsualiisoqassaaq. Allagartarsuarni allassimassaaq sumiiffinni eqqakkat qimanneqaqqusaanngitsut, aammalu uuliamik aammaakuutissanik avatangiisiituunngitsunik kuutsitsisoqassappat, imaluunniit kuutsitsisoqarneranik takunnissimagaanni Qeqqata Kommunia (oqarasuaatip normua allallugu) attaveqarfigineqassasoq.
- 37 Aqqusernup ataani kuuttoqarsinnaaneri akuttunngitsumik aserfallatsaaliorneqassapput, taamaalilluni kinnernik aammaluuumassusilinnik pisoqassanani aammalu atorsinnaanera sukkulluunniit attanneqaaannarsinnaassalluni.
- 38 Sumiiffimmut aqqusinermut atortunut, siunissami aqqusinermik aserfallatsaaliuinermut atorneqartussatut pilersaarutigineqartunut, uppernarsaat Suliffeqarnermut, Ilisimatusarnermut Avatangiisinullu Naalakkersuisoqfimmut nassiunneqassaaq. Uppernarsaatip imarissavai sinneruttut annertussusaannut missingersukkat aammalu sumiiffimmut piiaaviusussamut piffissaliussat, kiisalu atorneqareerernerani sumiiffiup iluarseqqinnejarnissaanut pilersaarut. Atorneqareerernerani sumiiffik atugassarititaasuni 31-32-imi allassimasut piumasaqaatit malillugit iluarseqqinnejassaaq.
- 39 Suliffeqarnermut, Ilisimatusarnermut Avatangiisinullu Naalakkersuisoqarfik ukiumut ataasiarluni Qeqqata Kommuniata sumiiffimmi, ilanngullugu nerlerit upernaakkut uningaartarfisa neriniartarfisalu eqqaani sumiiffik, ingerlaarnernut nakkutiliinerminut ingerlanneqareersunut nalunaarusiaanik tigusaqartassaaq, takuuk atugassarititaasoq 35.
- 40 Akuersissuteqarnermi matumani immikkoortoq 1.5 innersuussutigalugu, suliassap malitsigisaanik sumiiffiup ilaani imaluunniit sumiiffik



tamakkiisutut isigalugu kusanaallisitsisunik imaluunniit aseruisunik  
ingerlataqartoqartillugu Ilinniartitaanermut, Kultureqarnermut  
Ilageeqarnermullu Naalakkersuisoqarfip akuliutsinneqarnissaa Qeqqata  
Kommuniata qulakkiissavaa.

### **Ingerlatsinermut immikkoortumut upalungaarsimanermut pilersaarut**

- 41 Kommuni Kangerlussuarmi upalungaarsimasunik, ajutoortoqartillugu passussisinnaasunik saliisinnaasunillu, ineriaassaaq.
- 42 Aqqusernup ingerlanneqarnerata aallartinnginnerani Qeqqata Kommunia upalungaarsimanermut pilersaarummik suliaqassaaq, minnerpaamik nassuiarlugit:
  - a) Uulianeersunik aammalu akuutissanik allanik kuutsitsisoornermi sillimaniarnermi iliuusissat, ilanggulligit uninngasuuteqarnermut tunngasut aammalu sillimaniarnermi iliuusissat ajutoornermut kuutsitsisoornermullu atatillugu mingutsitsinermik pitsaliuilluni killilersimaariniarlunilu aallartinneqartussat.
  - b) Sumiiffinni tatsit tarajornitsumik imeqartut aamma narsaamarnit tarajullit inisisimaffiini ajutoornernut sillimaniarnermi iliuusissat immikkullarissut.
  - c) Nakkutilliisunut pilersaarutit aammalu qisuararfiusussanut piffissat.
  - d) Atortut sulisussallu sillimatinneqartut.

Upalungaarsimanermut pilersaarut aqqusernup ingerlanneqarnerata aallartinnissaa kingusinnerpaamik qaammatinik pingasunik sioqqullugu Suliffeqarnermut, Ilisimatusarnermut Avatangiisinullu Naalakkersuisoqarfimmut akuersissuteqarfingeqartussanngorlugu nassiunneqassaaq.

### **Ingerlatsinermut immikkoortumi akuutissanik, eqqagassanik aamma imikoornernik passussineq**

- 43 Uninngaartarfinni aammalu aqqusineq sinerlugu sullissinermut illutanit inissianillu taakkununnga atasunit imikoornerit aammalu eqqagassat kommunimi eqqagassalerinermut malittarisassat atuuttut naapertorlugit iginneqassapput.
- 44 Nunamiittunik mingutsitsisoqassappat, taakkua kommunimi eqqagassalerinermut malittarisassat atuuttut naapertorlugit suliarineqassapput.
- 45 Qeqqata Kommunia aqqusinerni ingerlatsinermut immikkoortumi narsaamarnit tarajullit ikaarlugit inisisimasuni aputajaanissamut, aammalu tatsit tarajornitsumik imeqartut avatangiisiniittuunngitsunik akuutissartaqalinnginnissaannik qulakkeerisumik pilersaarummik



suliaqassaaq. Pilersaarut aqqusernup ingerlanneqarnerata aallartinnissaa kingusinnerpaamik qaammatinik pingasunik sioqqullugu Suliffeqarnermut, Ilisimatusarnermut Avatangiisinullu Naalakkersuisoqarfimmut nassiunneqassaaq.

#### **4.3 Matusinissamut atugassarititaasut**

- 46 Aqqusernup ingerlanneqarnera unissagaluarpat, Qeqqata Kommunia kingusinnerpaamik aqqusernup atorunnaarsinneqarnissaa ukiumik ataatsimik sioqqullugu, aqqusernup peerneqarnissaanut pilersaarummik suliaqassaaq.

Matusinissamut pilersaarummi nassuiardeqassaaq, sumiiffik qanoq qimanneqassanersoq, aammalu pingortitaq avatangiisillu matusinermut atatillugu aammalu matusereernerup kingorna qanoq isumannaardeqassanersut. Matusinissamut pilersaarut matusilluni suliassat aallartinneqannginneranni Suliffeqarnermut, Ilisimatusarnermut Avatangiisinullu Naalakkersuisoqarfimmit akuerineqassapput.



## 5 Atugassarititaasutut aalajangersarneqartunut tunngaviusoq aammalu tunngavilersuutit

Takussutissiami matuma kingulianiittumi sanaartugassamut matumunnga ASN-mut akuersissuteqarnermut atugassarititaasunut piumasaqaatigineqartunut tunngaviusoq aammalu tunngavilersuutit nassuiarneqarput. Atugassarititaasunut ASN-mut nassuaammi pitsaliuilluni iliuusissatut siunnersutigineqartut aammalu tunngavigisassat nassuiarneqartut, suliassap avatangiisinut sunniutissaannik killilersimaareqataasussat, aallaavigineqarput. Aammattaaq ASN-mut akuersissuteqarnermut atugassarititaasunut piumasaqaatit arlallit sanaartukkanut ASN-imik pisussaaffeqarfiusunut ASN-mut akuersissuteqarnermi nalinginnaasumik piumasaqaatigineqartartut, aallaavigineqarput. Kiisalu tusarniaanermut akissuteqaatit tiguneqartut, oqartussanit allanit oqaaseqaatit imaluunniit sanatitsisoq pitsaliuilluni iliuusissanik siunnersuuteqarani, kisianni avatangiisinut sunniinerlunnissaq pinngitsoortinniarlugu pisariaqartoq Suliffeqarnermut, Ilisimatusarnermut Avatangiisinullu Naalakkersuisoqarfik naliliilluni, ASN-mut nassuaammut tunngasut malitsigisaannik atugassarititaasunik, atugassarititaasut aallaaveqarsinnaapput.

Atugassarititaasoq Tunngavilersuut nr.	
1	Sanaartornermik suliaqarnerit aallartinneqannginneranni kuutsitsinermi ajutoornermilu il.il. kiisalu akutissanik passussinermi, eqqagassanik eqqaanermi atoqqinermilu aammalu imikornermi qanoq iliornissamut piareersimanissamut isummerfigineqartussanut isummertoqartarnissaq, avatangiisinut pilersaarut pillugu atugassarititaasuni qulakkeerneqassaaq. Avatangiisinut pilersaarummi peqatigisaaniq nunap qaavaniit kuuttut avatangiisinut isumannaatsumik passunneqarnissaat qulakkeerneqassaaq, ilanngullugu tatsinut tarajornitsumik imeqartunut akutissanik avatangiisiniittangitsunik kuutsitsisoqannginnissaq. Atugassarititaasoq ASN-mut nassuaammut naapertuuppoq.
2-3	Ilaatigut imeqarnikkut ataqtigiaannerat aammalu atortussaqarneq ASN-mut nassuaammi naatsorsuutigineqartutut aalajangersarneqarnissaat qulakkeernialugu, ASN-mut nassuaammi tunngavigisat allassimasut malinneqarnissaat qulakkeerniarlugu, aqqusinniassap aammalu sanaartukkat tassunga attuumassuteqartut atortussanik piaanertaqartut inissisimaffissaanut sananeqarnissaanullu pilersaarutit Suliffeqarnermut, Ilisimatusarnermut Avatangiisinullu Naalakkersuisoqarfimmit akuerineqartussaapput.
4-9	Pinngortitap, ilanngullugit pingartumik tatsit tarajornitsumik imeqartut aammalu narsaamarnit tarajullit asseqanngitsut, sunnertiasup illersugaasullu illersorneqarnissaat qulakkeerniarlugu atugassarititaasut piumasaqaatigineqarput. Atugassarititaasut ASN-mut



	nassuaammut aamma Pinngortitamik illersuinermut inatsimmut naapertuupput.
10	Sumiiffit pinngortitami imeqarnerisa sunnerneqarnissaasa sapinngisamik annikinnerpaamiitinnissaat qulakkeerniarlugu atugassarititaasoq piumasaqaatigineqarpoq. Atugassarititaasoq ASN-mut nassuaammut naapertuuppoq.
11	Nerlerit illersugaasut sunnerneqarnissaat annikinnerpaamiitinniarlugu atugassarititaasoq piumasaqaatigineqarpoq.
12	Sumiiffimi kulturikkut oqaluttuarisaanermi soqutigisat qulakkeerniarlugit atugassarititaasoq piumasaqaatigineqarpoq. Atugassarititaasoq ASN-mut nassuaammut naapertuuppoq.
13-14	Aqqusiniassap sunniinerisa sumiiffimi sapinngisamik annikinnerpaatiinnissaat qulakkeerniarlugu atugassarititaasut piumasaqaatigineqarput. Atugassarititaasut ASN-mut nassuaammut naapertuupput.
15-17	Tatsit tarajornitsumik imeqartut illersugaasut aamma narsaamnrit tarajullit eqqarsaatiginerullugit, kisianni aamma nunami pinngortitap, pinngortitap suussusaasa aammalu avatangiisit sunnerneqarnissaannik ataatsimut isigalugu annikillisitsinissamut atugassarititaasut piumasaqaatigineqarput. Atugassarititaasut Pinngortitamik illersuinermut inatsimmut aamma ASN-mut nassuaammut naapertuupput.
Fejl! Henvisningskilde ikke fundet.8-29	ASN-mut nassuaammi allassimavoq sanaartornermut immikkoortumi akutissanik, eqqagassanik imikoornermillu passussineq, eqqagassalerinermut malitarisassanut, asimi tammaarsimaarflugallartunut atuuttunut, naapertuutumik pissasoq.  Suliffeqarnermut, Ilisimatusarnermut Avatangiisinullu Naalakkersuisoqarfik isumaqarpoq, sanaartornermik suliaqarnermut atatillugu taamaattunik pilersitsisoqqaqusaasimappat, malitarisassat aamma asimi tammaarsimaarfinnut atuuttariaqtut, taamaattumik tamatumunnga atugassarititaasunik aalajangersaasoqarluni. Eqqagassanik ikuallaanissamut malitarisassani periarfissaqarneq atugassarititaasutut ilanngunneqanngilaq, tassami Suliffeqarnermut, Ilisimatusarnermut Avatangiisinullu Naalakkersuisoqarfik naliliimmat eqqagassat inaarutaasumik iginneqartussanngorlugit/sularineqartussanngorlugit suliffeqarfimmut akuerisaasumut assartorneqartassasut.
30-33	Sanaartornermik suliaqarnerup nalaani atottussanik piitaanermi pinngortitap avatangiisillu sunnerneqarnerisa sapinngisamik annikinnerpaamiitinnissaat qulakkeerniarlugu atugassarititaasut piumasaqaatigineqarput. Pinngortitap eqqarsaatigineqarnissaanut tunngatillugu, ilanngullugu nunap pinngortitallu iluarseeqqinnissaannut periarfissat, atugassarititaasut ASN-mut nassuaammut naapertuupput.
34	Nunami asimiittumi inatsisinik unioqqutitsilluni ingerlaartoqannginnissaat qulakkeerniarlugu atugassarititaasoq piumasaqaatigineqarpoq. Atugassarititaasoq ASN-mut nassuaammut aamma Pinngortitamik illersuinermut inatsimmut naapertuuppoq. <i>assartuutit motoorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013.</i>
35	Nerlerit illersugaasut sunnerneqarnissaasa annikinnerpaamiitinnissaanut atugassarititaasoq piumasaqaatigineqarpoq. Atugassarititaasoq ASN-mut nassuaammut aamma Pinngortitamik illersuinermut inatsimmut naapertuuppoq.
36	Pinngortitap avatangiisillu, ilanngullugit pingartumik tatsit tarajornitsumik imeqartut aamma narsaamnrit tarajullit, illersorneqarnissaat qulakkeerniarlugu atugassarititaasoq piumasaqaatigineqarpoq. Tamatuma saniatigut aqqusinermik atuisut kuutsitsisoornermi kimut saaffiginnisanerlutik ilisimanissaat qulakkeerniarlugu atugassarititaasoq piumasaqaatigineqarpoq. Atugassarititaasoq ASN-mut nassuaammut aamma Pinngortitamik illersuinermut inatsimmut naapertuuppoq.
37	Imeqarnikkut ataqtigiinna qulakkeerniarlugu atugassarititaasoq piumasaqaatigineqarpoq.
38	Nunami pinngortitap, pinngortitap avatangiisillu, ilanngullugu iluarseeqqinermut tunngasut, sunnerneqarnerisa sapinngisamik annikinnerpaamiitinnissaat qulakkeerniarlugu atugassarititaasoq piumasaqaatigineqarpoq. Atugassarititaasoq ASN-mut nassuaammut naapertuuppoq.
39	Aqqusernup avataani inatsisinik unioqqutitsilluni ingerlaarnerup siunertaanngitsumik tuttunut akornusersuinerulinnginnissa aammalu aallaaniarnerulinnginnissaq, kiisalu inatsisinik unioqqutitsisumik ingerlaarnermi nunami pinngortitap aserorterneqannginnissaat atugassarititaasumi qulakkeerneqassaaq. Tamatuma saniatigut nerlerit piffissami 20. aprili -



	1. juuli akornusersor neqannginnissaat atugassarititaasumi qulakkeerneqassaaq.
40	UNESCO-nunarsuarmi kingornussassaqarfik, suliassap aqqusaagassaa, isumannaarniarlugu atugassarititaasoq piumasaqaatigineqarpoq. Atugassarititaasoq ASN-mut nassuaammut aamma <i>sumiiffimmik Kalaallit Nunaata kitaanii Aasivissuit - Nipisallu eqqaanni kulturikkut eriagisassat allat pillugit Namminersorlutik Oqartussat nalunaarutaat nr. 1, ulloq 30. januar 2018-imeersumut</i> , naapertuuppoq.
41-42	Ajutoornermi avatangiisinut sumniinerit annikillisinissaat qulakkeerniarlugu upalungaarsimanermut pilersaaret pillugu atugassarititaasut piumasaqaatigineqarput, ilanngullugit pingaartumik tatsit tarajornitsumik imeqartut aamma narsaamarnit tarajoqartut illersorneqarnissaannut tunngatillugu. Atugassarititaasut ASN-mut nassuaammut aamma Pinngortitamik illersuinermut inatsimmut naapertuupput.
43-44	Imikoornerit, eqqagassat immaqalu nunamiittunik mingutsinsinerit maleduagassat malillugit passunneqartarnissaat atugassarititaasuni qulakkeerniarneqarpoq.
45	Ingerlatsinermut immikkoortumi aputaajaanermi tatsit tarajornitsumik imeqartut avatangiisiiniittanngitsunik akuutissartaqalersinnginnissaat atugassarititaasuni qulakkeerniarneqarpoq. Atugassarititaasoq ASN-mut nassuaammut aamma Pinngortitamik illersuinermut inatsimmut naapertuuppoq.
46	ASN-mut nassuaammi sanaartukkamik matusinissaq pillugu apeqqut sammineqanngilaq, ammalu aqqusernup atorunnaarsikkiartuaarnissaanut pilersaaruteqanngilaq. Suliffeqarnermut, Ilisimatusarnermut Avatangiisinullu Naalakkersuisoqarfik naliliivoq, ingerlatsineq unissagaluarpat sanaartukkap matuneqarnissaanut pilersaaruteqassasoq, taamaalilluni sanaartukkap pinngortitamut, avatangiisinut aamma nunami pinngortitamut pisariaqanngitsumik sunniisussanngorlugu qimaannarneqannginnissaat qulakkeerneqassalluni. Taamaattumik matusinermi sanaartukkamut matusinissamut pilersaaret suliarineqassasoq piumasaqaatigineqarpoq.



## 6 Allaffissornikkut aalajangersakkat

Kapitalimi matumani ASN-mut akuersissuteqarnerup atorunnaarnissa misissorneqarnissaalu pillugit (§§ 24-25), kiisalu peqqusissuteqarneq aammal inerteqquteqarneq pillugit (takukkit §§ 29-32) aalajangersakkat nassuiarneqarput, takuuk *atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq* (ASN-mut nalunaarut).

### 6.1 Akuersissuteqarnerup atorunnaarnera

ASN-mut nalunaarummi § 24 naapertorlugu ASN-mut akuersissuteqareernerup kingorna ukiut sisamat iluanni taanna atorneqarsimanngippat, ASN-mut akuersissuteqarneq atorunnaassaaq. Sanaartugassap sanaartorneqarnera imaluunniit allanngortinneqarnera aallartissimappat, akuersissut atorneqarsimassaaq.

ASN-mut akuersissuteqarneq nutarterneqassappat, ASN-mut nassuaat ulloq XX maaji 2020-imeersoq suli matussusiisimappat, akuersissuteqarneq manna aallaavigineqarsinnaavoq.

### 6.2 Akuersissuteqarnerup misissorneqarnera

ASN-mut nalunaarummi § 25 naapertorlugu, akuersissuteqarnerup kingorna ukiut arfineq pingasut sinnerlugit ingerlareerpata, tamanna avatangiisitigut tunngavilersorneqarsinnaatillugu, imaluunniit saleeriaatsit pitsaanerusut imaluunniit tunisassioriaatsit mingutsitsinnginnerusut ineriertortinneqarsimappata, Suliffeqarnermut, Ilisimatusarnermut Avatangiisinullu Naalakkersuisup nutaamik ASN-mut akuersissuteqarluni tamatumunnga atugassarititaasut allanngortissinnaavai.

### 6.3 Peqqusissuteqarnerit

ASN-mut nalunaarummi § 29 naapertorlugu, akuersissuteqarnermut atugassarititaasut unioqqutinneqarsimappata, taamaalilluni sanaartugaq



mingutsitsinermik Suliffeqarnermut, Ilisimatusarnermut Avatangiisinullu Naalakkersuisup annertuutut naliligaanik malitseqarsimalluni, Suliffeqarnermut, Ilisimatusarnermut Avatangiisinullu Naalakkersuisoq iluarsiissutissatut iliuuseqarnernik aallartitsinissamik peqqusissuteqarsinnaavoq. Piffissaliussap aalajangersarneqartup iluani peqqusissuteqarneq nalunaarutigineqartoq malinneqannngippat, oqartussap peqqusissuteqartup Qeqqata Kommuniata akiligassaanik iliuusissat suliaritissinnaavai.

§ 29 malillugu peqqusissuteqarluni ASN-mut nalunaarummi § 32 naapertorlugu aatsaat nalunaaruteqartoqarsinnaavoq, imattoqarsimappat:

- Akuersissuteqarnermut atugassarititaasut unioqqutinneqarpata.
- Mingutsitsinerup ajoqusiisumik sunniuteqarnera pillugu nutaanik, annertuunik paassisutissanik saqqummertoqarsimappat.
- Mingutsitsineq annertuunik avatangiisinut ajoqusiisunik sunniuteqarnernik, akuersissuteqarnermi siumoortumik takorloorneqarsinnaasimanngitsunik malitseqarpat, imaluunnit
- Mingutsitsineq akuersissuteqarnermi tunngavigineqartut qaangerlugit annertuuujuppat.

#### **6.4 Avatangiisinut nakkutilliineq**

ASN-mut nalunaarummi § 28 naapertorlugu Qeqqata Kommuniata aningaasartuutit naleqquuttut tamaasa nakkutilliisut sumiiffimmi takusaaviusumiinneranut immaqalu aamma sumiiffimmi eqqaanniittumi, sanaartukkat sunniuteqarfigisinnaasaani assartorneqarneranut atasut akilissavai.

Nakkutilliinermut ilaatillugu Suliffeqarnermut, Ilisimatusarnermut Avatangiisinullu Naalakkersuisup nakkutilliinerup annertussusaa nalilersussavaa, ilangullugit peqataasut amerlassusaat aammalu sivisussusaa aammalu tamatuminnga Qeqqata Kommunia ilisimatissallugu.

#### **6.5 Akuersissuteqarnerit ilanguttussat**

Qeqqata Kommuniata sanaartugassamut matumunnga avatangiisinut iliuusisanut pilersaarutip aammalu pilersaarutit akuersissuteqarnerillu allat, ASN-mut akuersissuteqarnermi matumaní allassimasut, suliarineqarnerannut akuersissuteqarfigineqarnerannullu Suliffeqarnermut, Ilisimatusarnermut Avatangiisinullu Naalakkersuisoqarfíup aningaasartuutai akilissavai.



## 7 Tamanut saqqummiussineq aamma naammagittaalliornissamut ilitsersuineq

ASN-mut nalunaarummi §§ 22 aamma 23 naapertorlugit Suliffeqarnermut, Ilisimatusarnermut Avatangiisinullu Naalakkersuisup akuersissuteqarneq manna Namminersorlutik Oqartussat nittartagaanni [www.naalakkersuisut.gl](http://www.naalakkersuisut.gl) kiisalu nuna tamakkerlugu najukkanilu tusagassiuutini tamanut saqqummersissavaa.

ASN-mut akuersissuteqarneq pillugu aalajangiineq avatangiisinik allanngutsaaliuinermut inatsimmi<sup>1</sup> kapitali 14-imni maleruagassat malillugit Avatangiisinik allanngutsaaliuinermut naammagittaalliortarfimmuit naammagittaalliutigineqarsinnaavoq, takuuk ASN-mut nalunaarummi § 33.

Naammagittaalliorssinnaatitaasut tassaapput:

- Aalajangiinermi pineqartoq.
- Nunatsinni Nakorsaaneqarfik.
- Kikkulluunniit suliap inerneqarneranut ataasiakkaarlutik imaluunniit annertuumik soqutigisaqartutut ilimagineqartariaqartut.
- Peqatigiiffit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut.

Naammagittaalliuut nassiunneqassaaq uunga:

Namminersorlutik Oqartussat  
Suliffeqarnermut, Ilisimatusarnermut Avatangiisinullu Naalakkersuisoqarfik  
Imaneq 1A 801  
Postboks 1614  
3900 Nuuk  
E-mail: PAN@nanoq.gl

Suliffeqarnermut, Ilisimatusarnermut Avatangiisinullu Naalakkersuisoqarfikup ASN-mut akuersissuteqarnermut naammagittaalliuummik tigusaqarnermini,

<sup>1</sup> Avatangiisit innarlitsaalliorneqarnissaanik Inatsisartut inatsisaat nr. 9, 22. november 2011-meersoq



tamatuma kingorna naammagittaalliuutaasoq Avatangiisinik allanngutsaaliuinermut naammagittaalliortarfimmut nassitissavaa, najoqqutassat suliassap naliliivigineqarnerani ilaatinneqartut ilanngutissallugit. Peqatigisaanik suliami naammagittaalliuummik tigusaqartoqarsimasoq, suliami pineqartut ilisimatinneqassapput.

Tamat ASN-mut akuersissuteqarnermut naammagittaalliornissaannut piffissamut killiliunneqartoq, ulloq akuersissuteqarnerup tamanut ammasumik allagarsiissutigineqarnera aallarnerfigalugu sapaatit akunnerinut arfinilinnut aalajangersarneqarpoq. ASN-mut akuersissuteqarnermut naammagittaalliortoqassappat, taanna najukkamut allassimasumut nassunneqassaaq, taamaalillutik naammagittaalliuutit naammagittaalliornissamut piffissamut killiliussaq naatinnagu Namminersorlutik Oqartussani tiguneqareersimassallutik.

Naammagittaalliortarfiup aalajangiineri allaffissornikkut oqartussamut allamut suliakkiunneqarsinnaanngillat.

Avatangiisinut inatsimmi § 63 naapertorlugu tamat naammagittaalliorneri, Naalakkersuisut allamik aalajangiisimanngippata, piffissami Avatangiisinik allanngutsaaliuinermut naammagittaalliortarfiup naammagittaalliuutnik suliarinninnerani ASN-mut akuersissuteqarnermut kinguartitsinermik sunniuteqartussaanngillat.

Avatangiisinut inatsimmi § 64 naapertorlugu naammagittaalliornissamut piffissaliussaq naatinnagu illuliornermik sanaartornermillu suliaqarnerit aallartinneqaaqusaanngillat.